

পায়রা বন্দরের প্রথম টার্মিনালের নির্মাণ কাজ দ্রুত সম্পন্ন করতে গুরুত্বারোপ

ঢাকা, ১১ সেপ্টেম্বর ২০২২;

‘পায়রা বন্দরের প্রথম টার্মিনাল ও আনুষঙ্গিক সুবিধাদি নির্মাণ’ প্রকল্পের কাজ দ্রুতসম্পন্ন করার ওপর গুরুত্বারোপ করা হয়। খুব শীত্রই সেটি উদ্বোধন করা হবে। পায়রা বন্দর নির্মাণের জন্য ৫,৩৯০ একর জমির অধিগ্রহণ করা হয়েছে; ১,০২১ একর জমির অধিগ্রহণের কার্যক্রম প্রক্রিয়াধীন। ভূমি অধিগ্রহণের ফলে ক্ষতিগ্রস্ত জনগণের পুনর্বাসনের আওতায় ১৪টি প্যাকেজে ৩,৫০০ পরিবারকে প্লটসহ বাড়ি প্রদানের পরিকল্পনা রয়েছে। এপর্যন্ত ২,০৪৯ টি বাড়ি নির্মাণ করা হয়েছে। এগুলোর মধ্যে ১,৭২৬টি বাড়ি বরাদ্দ করা হয়েছে। ১,৪৫১টি বাড়ি নির্মাণাধীন রয়েছে। ২৩টি ট্রেডে ১৬৮টি ব্যাচে ক্ষতিগ্রস্ত ৪,২০০ জনকে প্রশিক্ষণ দেয়া হয়েছে। তাদের মধ্যে ২,৯৪৩ জন বিভিন্ন পেশায় যুক্ত হয়েছেন।

আজ নৌপরিবহন মন্ত্রণালয়ের সভাকক্ষে অনুষ্ঠিত পায়রা বন্দরের উন্নয়ন, আর্থিক ও প্রশাসনিক সংক্রান্ত বৈঠকে এসব তথ্য জানানো হয়।

নৌপরিবহন প্রতিমন্ত্রী খালিদ মাহমুদ চৌধুরী এমপি বৈঠকে সভাপতিত্ব করেন।

মন্ত্রণালয়ের সচিব মোঃ মোস্তফা কামালসহ উর্ধ্বতন কর্মকর্তাগণ এবং পায়রা বন্দরের চেয়ারম্যান রিয়ার এডমিরাল মোহাম্মদ সোহায়েল ও বিভাগীয় প্রধানগণ জুমসভায় উপস্থিত ছিলেন।

  
মো. জাহাঙ্গীর আলম খান

সিনিয়র তথ্য অফিসার

নৌপরিবহন মন্ত্রণালয়

০১৭১১-৮২৫৩৬৪